

# GENESIS XII. XIII.

8 Akø zut kwut sut kethlechozi Bethel kwut sut gittäug tsui tdha kwu tsut, akø tin nivyakh \*kiitan-  
tsyookh, †nutchäug tsui Bethel ettiyin, akø Häei gittäug tsui: akø zut KEKWADHUT tsut atteinjitrahtsitekit nukwintthei, akø KEKWADHUT orzi kookkuggikhe. 9 Akø Abram kuitugchozi, ttrintlud tsui kwu tsut taheih akø kuitug-ahah.

10 Akø kthoikit tun tutsun kwilih: akø Abram Ijpt kwu tsut kotechozi zut izzukkwitechya; kwuggut yoo kthoikit tun tutsun nichiltthut. 11 Akø nu-  
kwinjdhut, Ijpt kwu tsut nitte tehah kwu tsut nyakkwun kiteizi tei, Saräei tu ut tsut akøtittinyooh, Kwinyayin choog, trenjo ndotinchyo vikkwitechin ili kasundei: 12 Akø nukwitutattha, Ijpt tinjih nyik gutunahya tei, akø tungititenja, Chih vu ut nili: akø nisizhigguttaktha, akø kwundui nyik kungutunahtya. 13 ‡ Akø tichinyoo, nyochisukthut, sit chyodh ili: nik kirkhe set tsut kwitterzya kenjit, akø sik kwundui kwutendui nyik kirkhe.

14 Akø nukwinjdhut, Abram Ijpt kwu tsut kiteizi tei, Ijpt tinjih trenjo kwinttluth tsut ndotinchyo ilih zyungunahyin. 15 Akø Pharäoh vit ttshidnut zyungunahyin, akø Pharäoh tsut tungitutaë: akø trenjo Pharäoh viz zzeh kwiz zit nittetrinyantshi. 16 Akø venjit Abram tsut kwirzi tettiyn: akø tivi ettiyin, akki ezir ha, utthui uttze choh ezir ha, tinjih chukejnduknut ha, trig chukejnduknut ha, utthui uttze choh trig ha, utthui uggun choh ha.

17 Akø KEKWADHUT Pharäoh viz zzeh ha trudhakthui kwichinttssi ha dhankthui Saräei Abram vu ut enjit. 18 Akø Pharäoh Abram ookkuggikhe, akø akøtittinyooh, Chih chitti tte set tsut tinttiyin? chyaggut tte nyu ut nili sah kwanduk kkwa? 19 Chyaggut tte sit chyodh nili tinyooh? akø su ut enjit uttut tsut odhihnjik: ezyuk kwuggut choog nyu ut nyayin, oninji, akø kethle chiheih. 20 Akø Pharäoh yenjit tit ttsyahnut untukwichildhut: akø ooun negichileh, tu ut ha, etchichi tutthug ettiyin ha.

## CHAPTER XIII.

**A**KØ Abram Ijpt kwut sut gichozi, attun, vu ut ha, etchichi tutthug ettiyin ha, akø Lot vah, Ttrintlud tsui kwu tsut. 2 Akø Abram kwinttluth tsut tæ akki ha, itsitakui ha, akø itsidhuttho ha. 3 Akø chozi tik kuitugahah kwikkit ttrintlud tsui kwut sut Bethel kwu tsut inchi, kwitekit kwu tsut nitchin trootshid tei vin nivyakh kwie, Bethel akø Häei kwikyidetug; 4 Atteinjitrahtsitekit kwitekit kwu tsut, zut kwiyetshi tei kweltsei: akø zut Abram KEKWA-  
DHUT orzi kookkuggikhe.

5 Akø Lot tthui, attun Abram ha ahah, tivi notli, akø akki, nivyakh ha ettiyin. 6 Akø kthoikit elyet kookwizhya kokunilhtyi, nikha koogwitedichya kenjit: kwuggut yoo ko etchichi kwinttluth tsut kwilih, akø elyet kukizhya koogwitedichya. 7 Akø Abram vakki notlikunahtyinat akø Lot vakki notlikunahtyinat ko kyidetug utsuttigwinyoo

\* Ko, nekwinthui.

† Ko, chochoh.

‡ Ko, Ezyuk kwuggut akøtichinyoo.